

Član 13.

U članu 42. stav 3. riječ "tijala", zamjenjuje se riječju "tijela", a riječi: "na rok od najmanje dvije godine, a najduže četiri godine", zamjenjuju se riječima: "do dvije godine."

Član 14.

U članu 44. stav 1. mijenja se i glasi:

"Prvakom pozorišta, odnosno opere, baleta i drame može postati naročito istaknuti pozorišni umjetnik sa domaćom i internacionalnom karijerom i priznanjima, na prijedlog umjetničkog savjeta matičnog pozorišta, a status prvaka potvrđuje Ministarstvo."

Član 15.

U članu 46. dodaje se stav 3. koji glasi:

"Nadzor nad finansijskim poslovanjem osnivač može obavljati neposredno i putem ovlaštene revizorske kuće."

Član 16.

Član 51. stav 1. mijenja se i glasi:

"Odredbe člana 42. neće se primjenjivati na sljedeće umjetnike:

- baletske umjetnike sa najmanje 12 godina radnog staža;
- operne umjetnike sa najmanje 15 godina radnog staža;
- dramske umjetnike sa najmanje 18 godina radnog staža;
- članove opernih i baletskih horova i orkestara sa najmanje 20 godina radnog staža."

Član 17.

Iza člana 51., dodaje se novi član 51 a. koji glasi:

"Član 51 a.

Sve imenice koje se odnose na pojedine funkcije i pozorišne i druge djelatnike, upotrebljene u ovom zakonu samo u muškom ili samo u ženskom rodu, odnose se na oba spola.

Kod imenovanja organa ustanove obezbijedit će se proporcionalna zastupljenost konstitutivnih naroda i Ostalih, kao i ravnopravna zastupljenost spolova."

Član 18.

Ovlašćuje se Zakonodavna komisija Skupštine Kantona Sarajevo da utvrdi prečišćeni tekst Zakona o pozorišnoj djelatnosti.

Član 19.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-25646/06
31. augusta 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka h) i 38. stav 1. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04), Skupština Kantona Sarajevo, na sjednici od 31. augusta 2006. godine, donijela je

ZAKON

**O IZMJENI ZAKONA O POREZU NA PROMET
NEPOKRETNOSTI I PRAVA**

Član 1.

U Zakonu o porezu na promet nepokretnosti i prava ("Službene novine Kantona Sarajevo", broj 23/05 - Prečišćen tekst) u članu 13. procenat "0,06%", zamjenjuje se procentom "0,04%".

Član 2.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-25644/06
31. augusta 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu čl. 18. stav 1. tačka h) i 38. stav 1. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04), Skupština Kantona Sarajevo, na sjednici od 31. augusta 2006. godine, donijela je

ZAKON

**O IZMJENAMA ZAKONA O POREZIMA KANTONA
SARAJEVO**

Član 1.

U Zakonu o porezima Kantona Sarajevo ("Službene novine Kantona Sarajevo", broj 8/02 - Prečišćen tekst, 1/03 i 8/03) u članu 109. procenat "0,06%", zamjenjuje se procentom "0,04%", a procenat "0,03%" procentom "0,02%".

Član 2.

Odredbe koje se odnose na porez na potrošnju alkoholnih i bezalkoholnih pića u ugostiteljstvu, brišu se.

Član 3.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-25648/06
31. augusta 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu čl. 18. stav 1. tačka b) i člana 12. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 31. augusta 2006. godine, donijela je

ZAKON

**O IZMJENAMA ZAKONA O VISOKOM
OBRAZOVANJU**

Član 1.

U Zakonu o visokom obrazovanju ("Službene novine Kantona Sarajevo", br. 17/99, 14/00, 15/01, 13/02, 12/03, 15/03, 13/04, 31/04 i 22/05) u članu 106. stav (1) tačke 15. i 23. mijenjaju se i glase:

- "15. Poljoprivredno-prehrambeni fakultet,
- 23. Fakultet zdravstvenih studija."

Član 2.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-25649/06
31. augusta 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Na osnovu člana 18. stav 1. tačka m. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 8. Zakona o imovini Kantona Sarajevo ("Službene novine Kantona Sarajevo", broj 6/97), Skupština Kantona Sarajevo, na sjednici od 31. augusta 2006. godine, donijela je